



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Gvilielmi Becani E Societate Iesv Idyllia Et Elegiae**

**Becanus, Gulielmus**

**Antverpiae, 1655**

Elegia V. Postquàm consummati sunt dies octo, vt circumcideretur puer.  
Lucae 2.

**urn:nbn:de:hbz:466:1-12773**

## ELEGIA V.

*Postquam consummati sunt dies octo, ut circumcidetur puer. Lucæ 2.*

**E**rgo parum est cælo stabulum subiisse relicto,  
 Et nisi de paleis non habuisse torum?  
 Frigoraque, & ventos, & quidquid cogat egestas.  
 Quidquid hiems puerum ferre, tulisse Deum?  
 Ergo diuinis, tot post incommoda, membris  
 Qui vix ullus inest, sanguis oportet eat?  
 Saxeus hunc illis cruciatu culter acerbo  
 Extrahat? ô durum relligionis opus!  
 Cuius ad hoc animus, cuius sat dextera fortis?  
 Ferreus ah! quisquis vulneris auctor erit.  
 Ferreus hoc viso, qui non sibi pectora lædi,  
 Nec pueri pœnas æstimet esse suas.  
 Ante alios tu te spectaclo Virgo cruento  
 Subtrahe: sanguis erit, quem dabit ille, tuus.  
 Tu nati tremulos artus, liuentia labra,  
 Natiuæ roseas absque colore genas,  
 Tu se torquentem paruasque leuamine nullo  
 Iactantem videas, & patiare, mantis?  
 Subtrahe te: non sunt rigido tibi vincita metallo  
 Viscera, nec ferri semina pectus habet.  
 Quid loquor? hæc ipsa est, cultrum quæ stringit,  
 & esse  
 Sanguineæ legis dura ministra parat:  
 Vulnere quæ infami diuinos sustinet artus,  
 Nataque de membris membra notare suis.  
 Alma parens, huc blanditiæ rediere priores?  
 Huc amor, huc animi pignora mille tui?

D 2

Quid

## 52 G V I L I E L M I B E C A N I

Quid facis ah? spargas illum modò sanguine, cuius  
 Pœna grauis, lacrymas cernere nuper erat?  
 Pande finum potius, sifientique vbera præbe.  
 Ecce puer blandas tendit ad illa manus.  
 Subiicias cultro, cui cannas ante timebas?  
 O modò nec nati, nec memor ipsa tui!  
 O mater iam non mater, sed inhospita rupes,  
 Sed de Caucaso monte reuulsa silex!  
 Crede mihi, nec dura silex, nec inhospita rupes,  
 Non nati, non est immemor ipsa sui.  
 Blandiùs infantem numquam tractauit, amoris  
 Nec tam certa sui, quàm modò, signa dedit.  
 Antè sinu fouit; tulit inter brachia; strinxit;  
 Inuoluit pannis, composuitque toro;  
 Laete suo pauit; lacrymans lacrymantis ocellos.  
 Tersit; blandita est; oscula multa dedit:  
 Iam vulnus, sed dat cum vulnera nomen Iesu.  
 Nil, puero maius quod dare posset, erat.  
 Hoc præ blanditiis, & præ complexibus illum,  
 Hoc præ materno lacte sinuque iuuat.  
 Hoc est, quod cælo quæsitum venit ab alto:  
 Hoc, pretio quoquis quod sibi stare velit.  
 Aligeri manibus tremulis legere crux  
 Primitias, Patri quas pia Virgo litar.  
 Et lacrymas inter gratum quoque munus obortas:  
 Hoc, supreme Deus, suscipe pignus, ait.  
 Quod, nisi de nati tibi corpore gratius esset,  
 Quàm mallem è venis eliciisse meis!  
 Et tamen his etiam venis, hoc corpore fluxit,  
 Et pars est sanguis sanguinis iste mei.  
 Sancte Pater, sibi qui restat si filius offert,  
 Et premium accepti nominis esse velit;

Si

## ELEGIARVM LIB. I.

Sisua vulneribus reddi magis apta ferendis  
 Membra, caput spinis, terga latusque flagris ;  
 Carnificumque meæ dextræ succedere dextræ  
 Optat, & illæsum nil remanere sui ;  
 Da Pater his hominum manent solatia plagiis :  
 Fontibus his, quiuis vnde iunietur, eat :  
 Nullaque fundendi, fusi pars nulla crux  
 Non habeat fructum, te tribuente, suum.  
 Mortales gaudete. Iubet rata Virginis esse  
 Vota, Pater, nati quæ videt esse sui.

## ELEGIA VI.

*Vocatum est nomen eius IESVS. Lucæ 2.*

**A**vidistis ? puerum mater sua dixit Iesum.  
 Quisquis adest , flexo poplite tangat hu-  
 mum.  
 Sternite vos alto venientes æthere turmæ ;  
 Et quas damnatis Styx tenet atra locis ;  
 Ante omnes, quibus illud erit magis utile nomen ,  
 Corpora mortales sternite vestra solo.  
 Cernitis ? ipsi etiam, sacra qui præsepio cingunt,  
 Nomen ad hoc proni bos asinusque iacent.  
 Nomen ad hoc stabulo spirauit mitior aura :  
 Non Aquilo puerum, non fera læsit hiems.  
 Mutatos pannos , mutatas sensit aristas ,  
 Molliaque in cunis stramina facta suis.  
 Quid tum, si roseo perfundi membra crux  
 Debuit, & læsus parte carere sui ?  
 De non inciso nec sudant balsama ligno,  
 Myrrha nec integris stillat ab arboribus :

D 3

Nec